

Guaraní - Ivaívagui Ñandejára Ñe'ẽ - Deliverance Scriptures

Números 10:35 Oñepyrū ramo oguata umi ogueraháva Karameguã, Moisés he'i jepi: "Epu'ã ore Jára! Taisarambi nde rayhu'ýva, tojei ne renondégui nde rechávo!"

Deuteronomio 23:5 Ha'e kuéra nome'ëséi vaekue peëme y térã hi'upy peju ramo Egíptogui ha ogueru vaekue Balaam Beor ra'y itáva Petórgui, optyáva mombyry Mesopotámiape, ha ohepy me'ë vaekue chupe oity haguã jeharu pende rehe. (Nehemías 13:2)

Salmos 44:(4)5 Tupã, che ruvicha guasu, nde rupi ne retã ipu'aka opavavére. Isaías 61:1 Ñandejára espíritu oĩ che pype, che poravo haguére imba'erã. Ha'e che mundo araha haguã ñe'ẽ iporãva mboriahu kuérape, ambopy'a guapy haguã ojepy'apývape, amomarandu haguã isãsotaha oikóva iñapytímby ha ojepoitaha iñakã sãvagui, (Lucas 4:18)

Mateo 6:13 Aníkena rehéjátei rojepy'a ra'ã. Ore pe'a uvei ivaívagui. (Lucas 11:4)

Mateo 8:16 Ha oguahëvo pyhare, ojereraha Jesús rendápe heta oïva mba'e pochy poguýpe. Iñe'emente Jesús omosë umi mba'epochy ha omonguera avei opa hasývape.

Mateo 10:1 Jesús ohenói umi 12 hemimbo'épe ha ome'ë chupe kuéra pokatu omosë haguã mba'epochy, ha omonguera haguã opaichagua mba'asy. (Marcos 3:14,15)

Mateo 10:8 Pemonguera hasýva, pemoingove jey omanóvape, pemonguera umi hete aipávape ha pemosë mba'epochy opavavégui. Peëme niko oñeme'ẽ rei ko pokatu, ani pejerure hese mba'eve.

Mateo 12:26-29 Péicha avei Sataná voi opu'ã ramo ijehé, mba'éicha piko imbarete tapiáta? 27 Peë niko peje che amosëha mba'epochy Beelzebú pokatu rupi. Péicharõ añete, máva piko ome'ë pene remimbo'e kuérape pokatu omosë haguã chupe kuéra? Pene remimbo'e kuéra ojapóva rupi voi, ojehecha peë pejavyha. 28 Che amosë ramo mba'epochy Tupã Espíritu rupi, upéva he'ise Tupã sãmbyhy oguahëmaha peëme. 29 Avave ndoike mo'ãi peteĩ kuimba'e imbaréteva rógape omonda haguã chupe, ndoipokuái ha ndoipykuái raëirõ. Péicha ojapo ramo mante ikatúne omonda chugui. (Marcos 3:23-27)

Mateo 12:43-45 Peteĩ mba'epochy osë ramo oimeraëvagui, oho oiko umi oky'ýha rupi ohekávo pytu'u. Ndojuhúi ramo he'i: 44 Aha jeýta che rógape, mamo asë haguégui. Ha ou jeývo, ojuhu pe osë haguégui inandi porã, ojetypei ha ipotĩ porã. 45 Upéi, oho ha ogueru ambue mba'epochy heko añavêva chugui ha oike hikuái ipype, ha oiko upépe. Ha péicha, pe yvypóra rekove opyta vaive iñepyrumbýgui. Peichaite avei ojehúta opa heko añaáva ko'ágã guápe.

Mateo 15:22,26,28 Ha peteĩ kuña Canaangua, upe rupi oikóva, oñemboja Jesús rendápe. Ha osapukái: Che Jára, David ra'y, che poriahurerekomína! Che memby kuña niko oĩ mba'epochy poguýpe, ha ombohasa asy eterei chupe. 26 Ha Jesús he'i chupe: Naiporãi niko mitã jurúgui jaipe'a tembi'u ha ñame'ẽ

jaguápe. 28 Upémarō Jesús he'i chupe: Nde katu ha'e kuña rejeroviáva che rehe! Toiko upe reipotaháicha. Upepete voi okuera pe imemby kuña.

Mateo 16:19 Ame'ëta ndéve ñesämbyhy yvágagui oúva rokë pe'aha. Ha opa mba'e nderehejáiva ojehu ko yvy ári, ndojehu mo'ai avei yvágape. Ha opa mba'e nde rehéjáva ojehu ko yvy ári, ojehúta avei yvágape. (Mateo 18:18)

Mateo 17:19-21 Upéi umi hemimbo'e kuéra oñe'ë Jesús ndive ha'eñoháme, ha oporandu chupe: Mba'ëre piko ndaikatúi ra'e ore romosë pe mba'epochy? 20 Jesús he'i chupe kuéra: Ndapejeroviapáigui Tupäre. Añete ha'e peëme, pende jerovia michí ramo jepe oimeraë mba'e ra'yi michíve vaicha, pejéta peteï yvytýpe: Ejei ko'águi. Eva amo, ha pe yvyty ováta. Oimeraë mba'e ikatúne pejapo. 21 (Péicharō jefe, peñembo'e ramo ha Tupäme pe momba'e guasúvo ndape'úi ramo mba'eve añoite, ikatúne pemosë ko'äächagua mba'e pochy).

Marcos 1:23-26 Ha upe judío kuéra tupáope, oï peteï kuimba'e oguerekóva mba'epochy, ha upéva osapukái: 24 Mba'ëre piko reñemoï ore rehe, Jesús Nazaretgua? Reju piko ore rundívo? Che roikuaa. Nde hína pe imarangatúva, Tupä omboúva. 25 Jesús oja'o pe espíritu añáme ha he'i chupe: Ekirirí ha esë pe kuimba'égui! 26 Pe mba'epochy cityvyro mbarete pe kuimba'épe, ha osapukái hatävo osë chugui.

Marcos 1:32-34 Ka'aruete, oikévo kuarahy, ogueraha hikuái Jesús rendápe opa hasýva ha oguerekóva mba'epochy, 33 ha opa tavagua oñembyaty hokëme. 34 Jesús omonguera heta hasývape opaichagua mba'asýgui ha omosë heta mba'epochy. Ha ndohejái chupe kuéra oñe'ë, ha'e kuéra oikuaágui chupe.

Marcos 1:39 Ha upéicha Jesús oiko Galiléa rupi omombe'úvo iñe'ë umi judío kuéra tupao rupi, ha omosëvo mba'epochy kuéra.

Marcos 5:8 He'i upéicha, he'i haguére chupe Jesús: Mba'epochy, esë pe kuimba'égui!

Marcos 6:7,13 Ohenói umi 12 hemimbo'épe ha oñepyrü omundo chupe kuéra moköi-moköi, ha ome'ë chupe kuéra pokatu ipu'aka haguã mba'epochyre. 13 Omosë avei heta mba'epochy, ha omonguera heta hasývape omonávo hese kuéra ñandyry.

Marcos 9:23-25 Jesús he'i chupe: Mba'ëre piko ere 'ikatúrõ'? Opa mba'e ikatu ojeroviáva peguarã! 24 Upérõ pe mitã rusu ru osapukái: Che ajerovia. Che pytvõna ajeroviave haguã! 25 Jesús ohechávo hetaveha umi oñembyatýva, oja'o pe mba'epochýpe he'ivo: Espíritu ñe'ëngu ha rehendu'ýva, ha'e ndéve resë haguã pe mitã rusúgui ha anive haguã reike pype.

Marcos 9:29 Ha Jesús he'i chupe kuéra: Koichagua mba'epochy, ñembo'e rupi ha karu'ýme jehasa rupi mante ikatu oñemosë.

Marcos 9:38,39 Juan he'i chupe: Mbo'ehára, rohecha peteï omosëva mba'e pochy nde rérape, ha rojoko, ndaha'ëgui ore apytepegua. 39 Jesús he'i: Ani pejoko, peteï ojapóva hechapyrãva che rérape nikò upéi noñe'ë vai mo'ai che rehe.

Marcos 16:17 Ha ko'ää techaukarã omoirüta umi ogueroviávape: che rérape omosëta mba'epochy, oñe'ëta ñe'ë pyahu,

Lucas 4:34-36 Mba'ëre piko reñemoï ore rehe, Jesús Nazaretgua? Reju piko ore rundívo? Che roikuaa. Nde hína pe imarangatúva, Tupä omboúva. 35 Jesús

oja'o pe espíritu añáme ha he'i chupe: Ekirirí ha esē pe kuimba'égui! Upépe pe mba'epochy oity yvýpe upe kuimba'épe, ha osē chugui ojapo'ŷre hese mba'eve ivaíva. 36 Opavave oñemondýi, ha he'i joa ojupe: Mba'eichagua ñe'ě piko ãva? Oikuaa porähápe ha pokatúpe ko kuimba'e he'i umi mba'epochýpe osē haguã, ha ha'e kuéra osē!

Lucas 4:41 Heta hasývagui avei osē mba'epochy, osapukáiva: Nde ha'e Tupã ra'y! Jesús katu oja'o umi mba'epochýpe ha ndohejái oñe'ě, ha'e kuéra oikuaágui ha'eha upe Mesías.

Lucas 7:21 Upe javete Jesús omonguera oikóvo hetápe imba'asýgui ha iñangata kuérargui, ha mba'epochýgui ave, ha omonguera ohecha heta ohechave'ŷ vaekuépe.

Lucas 8:29 Péicha he'i, Jesús he'íma haguére pe mba'epochýpe osē haguã chugui. Heta jevýma pe mba'epochy ombotarova chupe. Ha optya haguã, ojepokua ha ojepykuapa ramo jepe, ha'e omondohopáva umíva ha pe mba'epochy ogueraha chupe umi yvy ojeiko'ŷháre.

Lucas 9:40 Ajerure ne remimbo'e kuérape oguenohě haguã chugui pe mba'epochy, ha ha'e kuéra ndaikatúi.

Lucas 10:17-20 Umi 72 ou jey hikuái vy'apópe, ha he'i: Ore Jára, umi mba'epochy jepe ojapo ro'eva nde rérape. 18 Jesús he'i chupe kuéra: Upéicha. Che ahecha Satanápe ho'a ramo yvágogui aratirícha. 19 Che ame'ě vaekue peëme pokatu peguata haguã mbói ha alakran apytépe, ha pende pu'aka haguã umi pende rehe ija'e'ŷvare, ojehu'ŷre peëme mba'eve ivaíva. 20 Anínte pevy'a umi mba'epochy ojapo haguére pejéva. Pevy'a uvei oimemaháre pende réra ojehai yvágape.

Lucas 11:14 Jesús omosē hína peteř karia'ýgui pe mba'epochy omoñe'ëngu vaekue chupe. Ha pe mba'epochy osëvo, upe iñe'ëngúva oñepyrü oñe'ě. Opavave ohecha ramo joa upéva.

Lucas 11:20-22 Che amosē ramo mba'epochy kuérape Tupã po rupi, upéva he'ise Tupã sãmbyhy oguahémaha peëme. 21 Peteř kuimba'e mbarete ikyse porã ramo ha oñangareko hógare, umi mba'e oñongatúva ipype oĩ porã. 22 Ha ou ramo ambue imbaretevéva chugui ha ipu'aka hese katu, oipe'a chugui pe kyse ojerovia hague, ha opa oguerekóva, ha ojapo umívagui ojaposéva.

Lucas 13:32 Ha'e he'i chupe kuéra: Tapeho ha peje pe aguarápe: 'Ma'ě, ko ára ha ko'ẽrõ amosē aikóvo mba'epochy kuérape ha amonguera hasývape, ha ko'ẽ ambuérõ ae ajapopáta.

Juan 14:12 Añetehápe ha'e peëme: Pe che rehe ojeroviáva ojapóne avei umi mba'e che ajapóva. Ha tuichave mba'e katu ojapóne, che ahátagui che Ru rendápe.

Juan 17:15 Ndajeruréi ndéve renohě haguã chupe kuéra ko yvy árigui, ku ivaívaguinte eñangareko hese kuéra.

Hechos 10:38 Peikuaa Tupã omyenyhě hague pokatu ha Espíritu Sántogui Jesús Nazaret guápe, ha Jesús ohasa hague ojapóvo iporãva ha omonguerávo opa ohasa asývape mba'e pochy poguýpe. Upéva ikatu vaekue ojapo Tupã oígui hendive,

Hechos 16:17,18 Ko mitäkuña ou ore rapykuéri osapukáivo: Ko'ã kuimba'e hína Tupã yvatetegua rembiuguái, ha omyerakuã peẽme ñepysyrõ rape! 18 Péicha ojapo heta ára pukukue. Pablo katu ikueráima chugui, ha ojere he'i pe mba'e pochy pype oïvape: Jesucristo rérape ha'e ndéve resë haguã chugui. Upe vove pe mba'e pochy oheja chupe.

Hechos 19:11,12 Ha Tupã ojapo hechapyrã tucháva Pablo rupi. 12 Umi pañuélo ha ao ojáva hetére jepe ojeraraha hasývape, ha ko'ãva okuera imba'asýgui, ha umi mba'e pochy osë chugui kuéra.

Hechos 26:15-18 Upérõ ha'e: Máva piko nde, che Jára? Ñandejára he'i chéve: Che hína Jesús upe nde reñemoõha reikóvo. 16 Epu'ã katu eñembo'y, péina ajechauka ndéve roiporavógui reiko haguã che rembiuguairõ, ha umi ko'ágã rehecha vaekue ha umi rehechavétava rechahavérõ. 17 Roipe'áta umi Israelguáva ha avei umi Israelgua'ýva ko'ágã romondoha póngui. 18 Romondo hendápe kuéra rehesape'a haguã, ha anive oiko pytumbýpe, tesape rendýpe uvei, ha reipe'a haguã chupe kuéra Sataná poguýgui, oiko haguã Tupã ndive uvei. Ha ojerovia haguã che rehe, ha oñepysyrõ haguã iñangaipágui upéicha ohupyty haguã imba'eráva umi Tupã mba'éva apytépe.

Romanos 16:20 Upéicha, Tupã, py'a guapy me'ëha, pya'ete ohundítá Satanápe pende pyguýpe. Ñandejára Jesús ta pende rovasa.

2 Corintios 2:11 Upéicha Sataná noñemotenonde mo'ãi ñande rehe, jaikuua porã eterei niko iñuhã.

Gálatas 1:4 Jesucristo omano vaekue ñane angaipáre, ñane renohë haguã ko yvy reko añágui, oipotaháicha Tupã, ñande Ru.

Efesios 4:27 Ani peme'ë juruja Añáme.

Efesios 6:11 Pemoĩ pende jehe opa mba'e Tupã ome'ëva peẽme peñoräirõ haguã mba'e pochy ndive, péicharõ hatã peiméta ani haguã pene mbotavy Aña.

2 Tesalonicenses 3:2,3 Peñembo'e avei Ñandejára ore pe'a haguã umi tekove añágui, nda opavavéi niko oguerovia umi mba'e ro'ëva. 3 Ñandejára katu heko jeroviah, ha ha'e pene mombarete ha pene mo'ã vaerã Añágui.

2 Timoteo 2:26 Péicharõ opáyta ha ojehékýita hikuái pe ñuhägui, Aña oguerekohápe chupe kuéra ipoguýpe iñapytímby.

2 Timoteo 4:18 Ha'e che mo'ëne opa mba'e vaígui, ha che reraháne yvágape ha'e oisämbyhyhápe. Toñemomba'e guasu chupe opa ára! Amén.

1 Pedro 5:8 Pejererekoo kuaa ha ani peke, cháke Aña ndaija'éiva pende rehe, jaguarete pochýicha oheka pende'u haguã.

1 Juan 4:4 Che ra'y kuéra pohayhu etéva, peẽ hína Tupã rehuguáva, ha pende pu'aka vaekue umi tekove japúre, pe Espíritu oïva pende pype ipokatuvégui upé ipype kuéra oïvagui.